



UNIVERSITÄTS-
BIBLIOTHEK
PADERBORN

Universitätsbibliothek Paderborn

Asiaticae Historiae Societatis Iesv Pars ...

Libris Quatuor Comprehensa: Vbi praeter res gestas à Patribus Societatis Iesv in conversione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

Bartoli, Daniello

Lvgdvni, 1670

43. Et à Doctore Academicorum.

urn:nbn:de:hbz:466:1-10757

illa viri præclari ornamenta, quæ apud alias nationes inuidentiæ fo-
mes sunt, pro sapientum Sinarum genio in amorem, & reuerentiam
conuertit, totumque se Riccio, eiusque obsequiis ita mancipavit, vt
rebus etiam promissa vinceret: ad impetrandam igitur illi à Magistra-
tibus, Nanciani habitationem, per se & amicos omnem lapidem mo-
uit; eiusque ad hoc supremi Mandarinum (à quo diximus cœptum in au-
lam perducere Riccium) auctoritatem, & fictas literas non dubitavit inter-
ponere, quibus iubebatur, impetrare Nanciani sedem tanto viro, cu-
ius excellentiam vno illo dignam, & attollendam theatro; ipsa eius
vltus, & consuetudinis experientia factura esset omnibus notio-
rem: ac primum aggredi placuit Literatum senem annorum sexaginta, Teu-
cium nomine, Ciana ortum familia, scriptorem voluminum trigin-
ta, & æui sui oraculum; cui, licet affectu literarum abstinuisset Ma-
gistratum gestione, & professione Mandarinum, profitebantur tamen
Mandarinum se esse discipulos; & Academiam habebat auditorum mil-
le quos sibi virtute consimiles fingere nec frustra nitebatur, nam illos,
vt dixi, à vulgo reliquorum, probitas, & morum grauitas pulchrè
discernebat. Audiens itaque præclarus senex, medicum de Riccio mira,
& insolita referentem, complotis repente manibus, interpellans; Est
hic proflus, ille ipse, ait, extraneus de quo mihi etiam maiora Chiui-
tailus, narrauit; is nempe ingenio præcellens discipulus Riccij, cui
persuaserat Nancianum urbem fore illi, eiusque doctrinæ præ quauis
alia fauentem, & de viri virtute ac meritis tam multa docto seni,
eiusque academicis prædicarat vt quàm illic optato, tam læto aduen-
tu illos recrearet. Certatum exinde obsequiis inter senem & Riccium,
quem ille adeuntem haudquaquam ea exceptit maiestate quam excipien-
dis Mandarinis repinebat nihilominus integram, sed longè affabili-
ori, & attemperata velut non imparem: auditis verò quæ percontari ex eo
libuit, sic eius sermone, & amore est captus vt haberi ab eo fratris lo-
co deinceps rogauerit, eoque se titulo, ac iure illi obtulerit, sanctè
pollicitus quæcumque ad illum pertinerent, pari cum suis sollicitudi-
ne curaturum; pro obtinendo domicilio Nanciani & Magistratum
gratia optimis inuit consiliis; suos demum ad Academicos immensis
laudibus cummulauit, magnoperè suadens, vt in eius amicitiam se da-
rent ex qua fore spondebat vt doctiores euaderent, & bonis moribus
cultiores: vagari exinde tota Nanciano peregrini hospitis fama ingen;
& quod erat necesse nomen eius deferri, quodque illi maximè optan-
dum ad Protegem, cui pridem nesciens & presentia ignotus, magno
erat in pretio, & desiderio; sed nondum sat certus, essetne is ipse, de
quo tam mira olim acceperat, ita causæ iussit initium fieri, ne quid in
illum ageretur quod ipse postea factum noller, si comperisset illum esse
quem propè diuinabat ab Occidenti orbe insignem aduenam. Mandari-
no regioni vrbis in qua debebat præposito mandat, externum quendam
inquiret, agnosceret, ex ipsomet resciret, quis? vnde? qua causa?

43.
Et à senè Do-
ctore Acade-
micorum.

43.
A Protege
mirè hono-
ratur, & inue-
nitur ad se-
gendam Nanciani sedem.